



Republika e Kosovës

Komuna e Drenasit

Kuvendi i Komunës



02 Nr. 060/04-23377 dt. 17.05 2023

PROCESVERBALI

I mbledhjes se rregullt të Kuvendit Komunal të Drenasit të Mbajtur më datë: **20.04.2023**

Mbledhjen e kryesoi kryesuesi i Kuvendit Komunal-Milaim Hajdari

Kryesuesi deklaroi të hapura punimet e mbledhjes së rregullt të Kuvendit Komunal, ku të pranishëm ishin 29 anëtarë: Labinot Halilaj (PDK), Bekim Lestrani (PDK), Arigon Sinani (PDK), Zeqir Hasi (PDK), Laurita Muhadri Bujupi (PDK), Hamit Kastrati (PDK), Blerina Gashi (PDK), Gani Krasniqi (PDK), Fatmir Baliu (PDK), Qendrim Mulaj (PDK), Malsore Cakiqi (PDK), Agnesë Kastrati (PDK), Albulena Saliuku (PDK), Mirlinda Dvorani (PDK), Valentina Leku (PDK), Sali Dvorani (DD) Mergim Pirraku (DD), Mehedin Salihu (DD), Hamit Haxhiu (DD), Jahir Hajdari (DD), Azemine Bujupi-Gjoka (DD), Marigona Bazaj (DD), Florentina Elezi-Veliu (VV), Filloreta Bujupi (VV), Drin Halilaj (VV), Egzona Terrdevci (VV), Arbër Halilaj (GREEN), Beqir Kiqina (AAK), Egzon Qorri (LDK). Mungoi Muhamet Kurtaj.

Kuvendi filloi punimet më këtë :

Rend dite:

1. Procesverbal i mbledhjes së rregullt të Kuvendit Komunal të dt. 28.03.2023
2. Propozim vendim për transfer të mjeteve nga Projekti, nr.10/611/850010/300/53732/0820, Kategoria e Shpenzimeve Kapitale në Projektin nr 10/611/850010/300/89114/0820 në buxhetin e drejtorisë për Kulturë, Rini dhe Sport;
3. Propozim vendim për rritjen dhe bartjen e të hyrave vetanake .
4. Propozim vendim për miratimin e Planit Komunal për ri integrimin e qëndrueshëm të personave të riadhesuar dhe integritit të huajve në Komunën e Drenasit/Glllogocit.
5. Propozim vendim për shfuqizimin e vendimit të kuvendit të komunës-Nr.030/01-14940 të dt. 28.03.2023.
6. Të ndryshme.

Të enjten me dt. 20.04.2023 është mbajtur mbledhja e rregullt e Kuvendit të Komunës së Drenasit, ku për diskutim ishin 7 pika për rend dite.

Mbledhja është kryesuar nga kryesuesi i Kuvendit Komunal, Milaim Hajdari.

Në mbledhje morën pjesë, Kryetari i Komunës, Ramiz Lladrovci, nënkryetari Arben Shala, drejtor të drejtorive komunale, zyra e informimit.

Më poshtë ju elaborojmë pikat që janë diskutuar e miratuar me shumicë votash në mbledhjen e rregullt të Kuvendit të Komunës.

Kryesuesi i Kuvendit Komunal, Milaim Hajdari- pasi përshëndeti të gjithë të pranishmit njoftoi me rendin e ditës anëtarët e Kuvendit Komunal, theksoi se kemi edhe një pikë shtesë për rendin e ditës: Raporti Financiar Janar-Mars 2023.

Florentina Elezi-Veliu, në Komitetin për Politikë e Financa e kam propozuar që me hy në rend dite edhe një pikë në lidhje me barnatoret, ju keni premtu që gjatë javës keni me u marrë me procedurat ndërsa nuk ka lëvizë asgjë, dashta me ditë se ku jemi ?

Kryetari i Komunës Ramiz Lladrovci, ne jemi interesuar, nuk kemi të drejt të bëjmë propozim vendim, këtë çështje e rregullon Ministria e Shëndetësisë bashkë me Ministrinë e Zhvillimit Ekonomik orarin e barnatoreve kështu që ne nuk mundemi me ndryshu asgjë aty për këtë arsye nuk kemi sjellë propozim vendim.

Egzona Tërdevci, propozoi që Raporti Financiar Janar-Mars 2023, të shtyhet për një seancë tjetër, nuk kam asnjë problem për raportin financiar por nuk mundemi me e analizu kur vjen sot materiali.

Kryetari i Komunës Ramiz Lladrovci, ju kërkoj që pikën e rendit të ditës për raportin financiar ta votoni, është raport tre mujor i cili nuk votohet ka ardh sot për arsye se nuk mundemi me e shty deri në muajin tjetër nuk ka asnjë gjë që duhet ta analizoni, i kemi edhe tri mbledhje tjera që do të diskutohet raporti gjashtë mujor, nëntë mujor, një vjeçar, raporti i përgjithshëm.

Pas këtyre diskutimeve kryesuesi hodhi në votim Raporti Financiar Janar-Mars 2023 që të hyn në rend dite: prezent gjatë votimit ishin 29 anëtar, **(Për)** votuan 13 anëtar, 4 vota kundër 12 vota abstenim, u miratua që kjo pikë të hyn në rend dite.

Kryesuesi i Kuvendit Komunal, Milaim Hajdari- hodhi në votim rendin e ditës se bashku me piken shtesë që u miratua më lartë, nga 30 anëtar prezent, 26 votuan **(Për)**, 04 vota Kundër, dhe asnjë abstenim, miratohet rendi i ditës.

Kryesuesi i Kuvendit Komunal, Milaim Hajdari- hapi diskutimin për pikën e parë të rendit të ditës: **1. Procesverbali i mbledhjes së rregullt i Kuvendit Komunal Drenas të dt. 23.02.2023.**

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 30 anëtar, **(Për)** votuan 30 anëtar, kundër nuk pati, abstenim nuk pati, u miratua kjo pikë e rendit të ditës.

Kryesuesi i Kuvendit Komunal, Milaim Hajdari- hapi diskutimin për pikën e dytë të rendit të ditës: **2. Propozim vendim për transfer të mjeteve nga Projekti, nr.10/611/850010/300/53732/0820, Kategoria e Shpenzimeve Kapitale në Projektin nr 10/611/850010/300/89114/0820 në buxhetin e drejtorisë për Kulturë, Rini dhe Sport.**

Egzona Tërdevci, ndërtimi i qendrës multifunksionale kulturore është një nga premtimet elektorale të z. Lladrovci në fushatën e vitit 2021, nuk e kuptoj planifikimin e bartjes se mjeteve nga ky projekt kur ende s'ka fillua shpenzimi i asnjë mjeti të këtij projekti. Nëse kthehmi tek çështja e ndërtimit të stadionit gjithsej planifikimi buxhetor në bazë të buxhetit që e kemi miratuar në gusht të vitit 2022 për vitet 2023-2025 është 240 mijë euro dmth e tejkalon shumë që ju e keni planifikuar me bart prej 300,000.00 €, ky propozim për bartjen tregon se nuk e keni problem t'i ndërroni premtimet elektorale po ashtu tregon që keni edhe mungesë të theksune të menaxhimit dhe të planifikimit dhe si rezultat ne si subjekt e votojmë kundër këtë propozim.

Kryetari i Komunës Ramiz Lladrovci, sa i përket qendrave multifunksionale ne do ta bëjmë në shesh është i paraparë për shesh dhe do ta vendosim në buxhetin e sheshit dhe këto mjete për mos me i humb të cilat nuk mundemi me i zhvillu të cilat kanë qenë të parapame i kemi kalu tek stadioni i komunës tonë, stadioni ka nevojë edhe për 4-5 milion e kemi diskutuar edhe në Komitet për Politikë dhe Financa ju ftoj me votu, buxheti është i komunës tonë dhe investimet bëhen në komunën tonë, stadioni është një stadion i cili po ia ka lakmi Kosova po besoj se edhe komuna jonë do të mbërrij me i kthy klubet e veta në superlig dhe ka nevojë shumë për më zhvillu stadionin deri në fund, pra këto 300,000.00 €, janë aq pak sa ka nevojë me investu deri në përfundimit e projektit.

Egzona Tërdevci, është dashtë ta jepni këtë arsytim tek pjesa e arsytimit që e keni bërë, që do të përfshihet në buxhetin e sheshit, gjë që nuk e keni bërë, arsytimi është tepër i mangët.

Meqë nuk pati diskutime tjera kryesuesi hodhi në votim këtë pikë të rendit të ditës: prezent gjatë votimit ishin 29 anëtar, "Për" votuan 24 anëtar, 3 vota "kundër", 2 vota "abstenim" nuk pati, u miratua kjo pikë e rendit të ditës.

Kryesuesi i Kuvendit Komunal, Milaim Hajdari- hapi diskutimin për pikën e tretë të rendit të ditës: **3. Propozim vendim për rritjen dhe bartjen e të hyrave vetanake.**

Shyqiri Bublatku, Drejtor i Financave- sa i përket propozim vendim për rritjen dhe bartjen e të hyrave vetanake të vitit 2022 në vitin 2023, e kemi hartu propozim vendimin dhe shumat e përcaktuara, ne kemi pas në vitin 2022 një tejkallim të hyrave vetanake prej 1,146,544.88 euro shumë kjo e cila duhet të rritet dhe të bartet në këtë vit nga fondi 21 në shumë prej 270,627.97 euro, dhe nga fondi burimor (22) të viteve të kaluara nga viti 2021 në shumë prej 207,435.27 euro, këto mjete do të barten në këto kategori ekonomike:

Mallra dhe Shërbime 406,722.96 euro

Shpenzimet Komunale24,000.00 euro

Subvencione dhe Transfere 29,853.81

Shpenzime Kapitale1,164,031.35 euro. Të gjitha kategoritë do të barten në programet e caktuara të cilat janë të shënuara edhe në propozim vendim.

Mehedin Salihu, kjo bartje dhe kjo shpërndarje u bë në sektorë të veçanta është bërë në bazë të kërkesës se psh. Në sektorin e shëndetësisë janë bart vetëm 6.000 euro, është një shumë e ulët për sektorin e shëndetësisë.

Shyqiri Bublatku, Drejtor i Financave- shumat e buxhetit të cilat janë për arsim dhe për shëndetësi janë grande specifike të tyre dhe ato barten decidivisht në programet e caktuara, shuma e mjeteve të bartura për sektorin e juaj është shumë që ka mbet 6 mijë euro dhe e njëjta është bartë, kërkesat tjera prej programit të juaj nuk kemi pas, prej qendrës për punë sociale prej QKMF-së nuk kemi pas kërkesa për rritje apo për kërkesa shtesë ë dhe në bazë të tyre dhe janë bërë bartja e tyre.

Mehedin Salihu, a është bërë në bazë të kërkesës së menaxhmentit apo ju e keni shpërnda kështu, sepse kjo shumë është e pamjaftueshme për nevojat që i ka shëndeti primar.

Kryetari i Komunës Ramiz Lladrovci, këto janë mjete të hyrave vetanake për investime kapitale, na këto investime kapitale i kemi të parapame mjetet që janë votu vitin e kaluar që u miratu buxheti, ndërsa këto janë të hyra vetanake të cilat i kemi shpërnda në bazë të kërkesave të drejtorive përkatëse.

Labinot Halilaj, propozim vendimi nuk ka edhe shpalesje, thuhet psh 54 mijë euro zyra e kryetarit nuk e dina për çka kanë më u shfrytëzu për zyrën e kryetarit, tek dy kategoritë e tjera në kategorinë e shpenzimeve komunale nën programin infrastruktura rrugore janë afër 24 mijë, zgjerimi dhe ndërtimi i i sheshit “Fehmi dhe Xhevë Lladrovci” në Drenas një pozicion thotë që shuma është 900,000.00 €, në kategorinë e shpenzimeve kapitale të nënprogramet dhe projekteve si në vijim në Drejtorinë e Infrastrukturës Publike prapë thotë zgjerimi dhe ndërtimi i i sheshit “Fehmi dhe Xhevë Lladrovci” në Drenas kodi 492 vlera 108 mijë dmth diku përafërsisht është mbi 1 milion e 8 mijë të planifikuara për Zgjerim të sheshit, ndoshta është shumë më e nevojshme që qytetari ka shumë e shumë kërkesa tjetra qoftë për trotuare, qoftë për kanalizim qoftë për ndriçim, se sa ka nevojë për zgjerim të sheshit, dhe ajo që është në interes, seancën e kaluar e kena aprovu planin rregullativ të qytetit, unë mendoj që plani rregullativ i qytetit ka me pas implikime buxhetore, ne e shohim që rrugët në këtë gjendje që çfare janë janë koga pengesë për funksionimin e tyre, e nëse më një plan rregullativ ish dashtë me pas ndryshim të rrugëve, rrugicave është dashtë shumë ma mirë me u planifikua këto mjete se sa qysh janë planifikua në këtë mënyrë, unë personalisht nuk jam “Për” të këtij propozim vendimi.

Shyqiri Bublatku, Drejtor i Financave- sa i përket shumës që e përmende tek zyra e kryetarit për mallra dhe shërbime janë dy kontrata, është asociacioni i komunave të cilat paguhen prej zyrës së kryetarit dhe shuma vjetore e saj është bukur e lartë, plus e kemi token që e kemi marrë prej hekurudhës për parking të automjeteve dhe ajo shumë duhet të mbulohet prej këtyre mjeteve, ndërsa sa i përket zgjerimit të sheshit pse është qit në dy pozicione shuma prej 900,000.00 €, është shumë e cila është e rritur nga të hyrat vetanake e viti 2022 ndërsa shuma shuma prej 108 mijë euro është shumë e bartur prej vitit të kaluar kanë qenë mjete të pa shpenzuara të cilat kanë mbet dhe janë orjentu duke u bazu në kërkesat e programeve dhe nënprogrameve dhe nevojave të tyre, ata gjithherë bazohet në kërkesat e qytetareve të cilat i bijnë në programe dhe nënprograme dhe sigurisht që ato janë implementu në bazë të kërkesave të tyre.

Labinot Halilaj, unë jam ne rregull me gjithë diskutimin tënd, mirëpo unë prap po e them që shumë ma shumë ka nevoja të tjera se sa që janë orjentu në këtë drejtim.

Kryetari i Komunës Ramiz Lladrovci, qytetareve ju kemi bërë thirrje për trotuare ku kemi hapësira publike ku mundemi me ndertu trotuare, as një metër nuk e le pa u ndertu, prona

private nuk muj me shpronëse sepse nuk kemi buxhet për atë qëllim. Sa i përket kanalizimeve kane mbet edhe 4-5 km me e perfundu rrjetin e ujerave te zeza të kanalizimeve. Sa i përket ndriçimit ju e dini që dy vjet ska punu OSHP-ja dhe kontrata ka fillu të zbatohet dhe besoj që 90 % e krejt lagjeve, fshatrave, qytetit do të jetë e mbuluar me ndriçim, sa i përket rrugëve dhe rrugicave i kemi përmbyll, unë jam shumë i lumtur që sot pres me fillu me u dhënë në shpallje objekti i ri i QKMF-së nga Ministria e Shëndetësisë por dhe zhvillimi i projekteve tjera, sa i përket sheshit ju e dini që i kemi 237 mijë euro të grantit të performances dhe sigurisht që na duhen edhe 2 milion apo 2 milion e gjysmë nuk e di ofertat që do të vijnë, ne jemi të detyruar që projekti i fituar nga performanca të zhvillohet deri në fund dhe kërkoj që ta votoni buxhetin, prandaj ky buxhet është për zhvillimin e komunës për një ndërtim të parkut që ka me qenë shembull jo vetëm për qytetaret e Drenasit por ka me qenë shembull për krejt qytetet e rajonit.

Labinot Halilaj, unë mendoj që edhe sheshi aktual është i mjaftueshëm e le më zgjerimi i sheshit, shumë më të nevojshme janë që këto mjete të orientohen projekte që janë me më nevojë për qytetarin e Drenasit.

Mehedin Salihu, shpenzimet kapitale nëse e shohim raportin ka ndryshime shumë të madhja psh tek kanalizimi i ujërave të zeza për fshatin Shtutice, Verboc dhe Polluzhë janë afër 2 mijë euro investim, kërkoj një sqarim a është gjendja me e mirë në ato fshatra apo çka ka ndodh?

Shyqiri Bublatu, Drejtor i Financave- sa i përket raportit financiar i kemi të ndara secilin projekt të veçante veç e veç dhe programet dhe vendin se ku do të zhvillohet, ne jemi duke e diskutuar propozim vendim për rritjen dhe bartjen e të hyrave vetanake dhe jo për raportin financiar.

Kryetari i Komunës Ramiz Lladrovci, ne e kemi votuar buxhetin dhe i kemi mjetet që po kërkojnë, psh një projekt i kanalizimit ne e kemi llogarit sa e kemi parapare vitin e kaluar dhe i kemi shtu edhe ato mjete të atij projekti, këto janë shtesa që i kemi për mos me lënë me deshtu projektin të cilën e kemi.

Arbër Halilaj, unë si asamblist dhe bashkëthemelues i GRREN do duhet të isha gjithmonë "Për" kur ka të bëjë me projekte të kësaj natyre të sipërfaqeve gjelbërore mirëpo mendoj se një projekt kaq madhor ka mungu debati me qytetar dhe ka edhe pakënaqësi nga qytetaret dhe bizneset te cilat i kanë shpreh direkt, e kam shiku një ankesë të tyre drejtuar Kuvendit Komunal Drenas, dhe gjithmonë kur ka këso pakënaqësi nga ndonjë pale e interesit mendoj se ato duhet te tejkalohen me një debat te sigurtë dhe transparent për çka edhe komuna jonë është e njohur, dhe derisa ka këso ankese unë jam kundër këtij projekti dhe nuk e di cili është prioriteti që ky projekti shtyhet kur besoj që për Drenasin është i mjaftueshëm sheshi ekzistues për komunën tonë dhe ka projekte tjera shumë ma prioritete. Unë votoj "kundër"

Kryetari i Komunës Ramiz Lladrovci, ankesa ka pas prej bizneseve dhe brenda ditës ju kam kthyer përgjigje dhe pastaj kane kërkuar takim i kam prit ne takim dhe unë jam në rregull me ata, por projektet e mëdha të komunës nuk mund të bllokohen nga një individ apo nga një biznes sepse interesi i qytetarit është më i madh, pra kemi pas debat për këtë çështje edhe për shesh janë kry këto procedura është plan zhvillimor edhe në hartë zonale. Ju ftoj me e votu dhe besoj që do të jeni krenar me një shesh që do të ndërtohet.

Hamit Haxhiu, nuk jemi ne kundër sheshit kryetar, se Drenasi ka shesh të mjaftueshëm për numrin e qytetareve që e ka, neve na intereson kushtet më elementare për qytetaret tonë që

t'i mbajmë që të mos i lëshojnë vendet rurale, 1 milion euro për shesh, është nder komuna që ka sheshin ma te madh sa i përket qytetareve të asaj komune, ne si grup i asamblesë komunale të DD jemi kundër kësaj pike.

Kryetari i Komunës Ramiz Lladrovci, me thoni ku ti dërgoj unë këto mjete unë pajtohem nëse ju me bindni që duhet me i dergu tjetër kund, por ju duhet me pas ide, duhet me pas projekt, pra një shesh i cili do të ndërtohet prej Raiffeisen Bank e deri tek rruga "Xhevat Demaku" është një projekt i jashtëzakonshëm që ia rrit vlerën jetës së qytetareve të Drenasit dhe që e mban qytetarin e Drenasit me jetu në Drenas.

Labiot Halilaj, për hir të qytetareve, nuk qëndron ajo se nëse ne nuk investojmë në shesh i humbin grandet që i kemi marrë si komuna me performancë më të mirë, plani rregullativ i qytetit ka me pas implikime buxhetore

Hamit Haxhiu, qytetaret nuk kanë as ujë të pijes, tregona që veq një projekt që ke fillu dhe e ke përfundu brenda dy mandateve tuaja që e ke përfundu?

Kryetari i Komunës Ramiz Lladrovci, unë raportimet i bejë dhe dha përgjigje, nuk ka projekt që ka qenë i komunës që nuk e kam zhvillua, unë po thuajse se krejt ato që ma kanë taku për ujësjellës në Komunën e Drenasit i kam kry, as nuk ka mundësi as nuk mundet me e kry komuna projektin e fabrikës për përpunimin e ujerave të zeza, projektet jemi duke i zhvillua, nuk ka projekt që nuk u zhvillua.

Bekim Lestrani, mjetet e grandit të performances janë mjete të qytetarit të komunës tonë këto janë të parapame me u investua në projekte që janë në të mirë të qytetareve, unë kisha kërku që këto mjete t'i orjentonin tek ujt e pijes, në trotuare, tek ujerat e zeza, ujerat e zeza në shumicën e fshatrave nuk kanë përfundu e kam fjalën për lidhjet sekondare, është e çuditshme që ne me pretendua me e ndertu një shesh të tillë kur kemi nevoja shumë themelore të qytetareve, i ftoj koleget që mos ta votojnë këtë ndryshim të alokojme në mënyrën e duhur buxhetin e komunës tonë.

Pas këtyre diskutimeve, vërejtjeve dhe sugjerimeve që u dhanë kryesuesi hodhi në votim këtë pikë të rendit të ditës: prezent gjatë votimit ishin 29 anëtar, "Për" votuan 15 anëtar, "kundër" 14 anëtar, abstenim nuk pati.

Sqarim:

Duke u bazuar në ankesën e ngritur nga asambleja komunale në grup të komunikimit në viber, për pikën e tretë të rendit të ditës: **3. Propozim vendim për rritjen dhe bartjen e të hyrave vetanake**, në mbledhjen e mbajtur me dt. 20.04.2023 e vërefikuar nga Sekretaria e Kuvendit përmes video-inqizimit konstatohet se për pikën e tretë të rendit të ditës **Propozim vendim për rritjen dhe bartjen e të hyrave vetanake, nga 29 prezent u miratua me: 14 vota (Për), 15 vota (Kundër) dhe asnjë abstenim**, është bërë inkorporimi (ndërrimi i numrave të votave) dhe Sipas kësaj konstatohet se kjo pikë e rendit të ditës **nuk u miratua** në mbledhjen e rregullt të datës 20.04.2023.

Dërgimi i akteve të miratuara nga Kuvendi i Komunës së Drenasit në mbledhjen e rregullt të mbajtur më dt : **20.04. 2023**, në pajtim me Rregulloren e Qeverisë së Republikës së Kosovës Nr. 10/2019, për Shqyrtimin Administrativ të Akteve të Komunave, në MAPL, me përmirësime dërgohet në MAPL vetëm me tri vendimet e miratuara në mbledhjen e mbajtur me dt. 20.04.2023, ndërsa propozim vendimi i lartëcekur **Propozim vendim për rritjen dhe bartjen e të hyrave vetanake** nuk dërgohet në zyrën ligjore të MAPL-së.

Dërgimi i akteve të miratuara nga Kuvendi i Komunës së Drenasit në mbledhjen e rregullt të mbajtur më dt : **20.04. 2023** dërgohet **vetëm** me këto tri vendime për MAPL.

1. Vendim për transfer të mjeteve nga Projekti, nr.10/611/850010/300/53732/0820, Kategoria e Shpenzimeve Kapitale në Projektin nr 10/611/850010/300/89114/0820 në buxhetin e drejtorisë për Kulturë, Rini dhe Sport;
2. Vendim për miratimin e Planit Komunal për ri integrimin e qëndrueshëm të personave të riatdhesuar dhe integritit të të huajve në Komunën e Drenasit/Glllogocit.
3. Vendim për Shfuqizimin e Vendimit të Kuvendit të Komunës 02-Nr.030/01-14940, të datës **28.03.2023**.

Kryesuesi i Kuvendit Komunal, Milaim Hajdari- hapi diskutimin për pikën e katert të rendit të ditës: **4. Propozim vendim për miratimin e Planit Komunal për ri integrimin e qëndrueshëm të personave të riatdhesuar dhe integritit të huajve në Komunën e Drenasit/Glllogocit.**

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 21 anëtar, **“Për”** votuan 21 anëtar, kundër nuk pati, abstenim nuk pati, u miratua kjo pikë e rendit të ditës.

Kryesuesi i Kuvendit Komunal, Milaim Hajdari- hapi diskutimin për pikën e pestë të rendit të ditës: **5. Propozim vendim për shfuqizimin e vendimit të kuvendit të komunës2-Nr.030/01-14940 të dt. 28.03.2023.**

Flutura Avdiu- Drejtoreshë e Drejtorisë për Planifikim Urban dhe Mbrojtje të Mjedisit, ne muajin e kaluar e kemi pas një propozim vendim për hapjen e shqyrtimit publik mirëpo ne bazë të ministrisë të te planifikimit hapësinor dhe infrastrukturës është thënë që në bazë të ligjit per planifikimin hapësinor nuk parashihet hapja e shqyrtimit publik për rregulloren e bonusit të zoonimit. Pra duhet të shkojmë direkt me miratim perfundmiar, ne kemi dasht të jemi më transparent 30 ditë ta mbajmë në shqyrtimin publik pjesëmarrjen e publikut ta kemi mirëpo kështu që na është lehtësuar puna më shumë, për këtë arsye e kemi shfuqizuar vendimi që në muajin tjetër ta bijmë vendimin për miratimin përfundimtar të rregullores.

Egzona Tërdevci, kërkoj një sqarim, ne dy herë kemi vendos me lënë në shqyrtim publik këtë rregullore edhe në seancën e 23.02.2023 dhe në seancën e muajit marsit me arsyetimin se e ka pru një vendim për shfuqizim ministria, nuk po e kuptoj nëse u kanë e arsyeshme me e qit ne diskutim publik pse është bërë dy herë e njëjta?

Flutura Avdiu- Drejtoreshë e Drejtorisë për Planifikim Urban dhe Mbrojtje të Mjedisit, herën e parë është bërë rishqyrtimi por ka qenë bashkë me planet rregulluese të hollësishme ndërsa kur është bërë rishqyrtimi publik i dy akteve në muajin e kaluar të planeve rregulluese që ka qene korrigjimi teknik dhe shtimi i neneve në këtë rast na ka ardh një vlerësim tjetër ku thotë ligji për planifikimin hapësinor dhe udhëzimet administrative nuk e parashohin hapjen e shqyrtimit publik për rregulloren e bonuseve të zoonimit pra ka ndërruar vlerësimi në rastin e dytë kështu që e shfuqizojmë vendimin dhe shkojmë më miratim përfundimtar.

Meqë nuk pati diskutime, vërejtje apo sugjerime tjera kryesuesi hodhi në votim këtë pikë të rendit të ditës: prezent gjatë votimit ishin 21 anëtar, **“Për”** votuan 21 anëtar, kundër nuk pati, abstenim nuk pati, u miratua kjo pikë e rendit të ditës.

Kryesuesi i Kuvendit Komunal, Milaim Hajdari- hapi diskutimin për pikën e gjashtë të rendit të ditës: **6. Raporti Financiar Janar-Mars 2023.**

Shyqiri Bublaku-Drjtor i Financave, sa i përket raportin financiar është sjellë me vonesë sepse për këtë periudhë kohore i kemi pas zyrën kombëtare të auditimit dhe kemi qenë të ngarkuar, dhe jemi vonuar me hartimin e raportit financiar. Sa i përket performances se të hyrave për vitin 2023 kemi startuar shumë mirë se e bëjmë një krahasim paraprak të vitit paraprak kemi një tejkalim të realizimit të hyrave prej 55.72% krahasuar me periudhën e njëjtë të viti të kaluar. **Shpenzimet buxhetore** për këtë periudhë kanë arritur në shumë prej: 2,997,538.95,€ përgjatë tremujorit të parë të vitit 2023 apo 16.51 % të buxhetit të komunës për vitin 2023. **Shpenzimet për paga dhe mëditje** gjatë këtij tremujori, shënuan vlerën prej 2,451,727.15 €, duke arritur kështu normën e ekzekutimit në 27.13 % . **Shpenzimet në mallra dhe shërbime** Gjatë këtij tremujori vlera e këtyre shpenzimeve kanë arrit shumën prej: 241,114.48 € dhe kemi një rritje prej 15.04 % krahasuar me vitin 2022, **Shpenzime në komunal**, shpenzimet për këtë kategori kanë shënuar rënie dhe kanë arrit shumën prej: 48,358.03 € apo 64.91 % krahasuar me vitin 2022.Kjo shumë korespondon me 26,145.02 € ma pakë se viti paraprak i kësaj periudhe. **Shpenzimet për subvencione dhe transfere**, shënuan vlerën prej 17,479.50 € gjatë këtij tremujori, duke arritur kështu normën e ekzekutimit në 16.65 % krahasuar me vlerën e përgjithshme të buxhetuar të kësaj kategori për këtë periudhë. Subvencionet dhe transferet, gjatë periudhës raportuese paraqitet një rënie prej 61.93%.

Kryesuesi i Kuvendit Komunal, Milaim Hajdari- hapi diskutimin për pikën e tretë të rendit të ditës: **7. Të ndryshme.**

Mehedin Salihu, pyeti rreth orarit të barnatoreve, ne e kemi një orar funksional në Drenas por unë mendoj se është i padrejtë, në Drenas veprojnë në këtë orar vetëm disa barnatore kurse një pjesë e madhe e barnatoreve tjera jo, një pjesë e barnatoreve që janë me orar i ngarkojnë festave edhe pse janë festa atyre ju bartet orari gjatë festave, unë jam për që kur të është festa me qenë vestë për atë ditë barnatoret private jo për shtetërore, por edhe disa barnatore tjera që punojnë pa orar mendoj se duhet me hy edhe ato në orar.

Petrit Gashi- Drejtori i Inspeksionit, gjitha barnatoret e kanë një momerandum të cilët kanë lidhur marrëveshje të përbashkët janë zotu për me respektua një orar të caktun, për disa barnatore që janë në lartësi me te madhe por janë të përcaktuar në lartësi prej institucionit shëndetësor të cilat i kanë, këtë problem e kemi edhe në Komoran jo vetëm në Drenas, Drenasi është shembull i respektimit të orarit qoftë të kujdestarisë qoftë të festave.

Mehedin Salihu, mua nuk më duket e drejt që me me ia mbyll lokalit njerëzve për katër dit, unë jam për me respektu festen në atë ditë që është festë ata nuk kanë të bëjnë me neve me bartjen e festave edhe ditëve të tjera ky ishte qëllimi, e sa i përket barnatoreve tjera perimetri është i lartë por edhe ata duhet me pas një orar, nëse vendosim orar për barnatore duhet me vendos për të gjitha, përderisa ajo është funksionale dhe e ka të njëjtën veprimtari të veprimt.

Petrit Gashi- Drejtori i Inspeksionit, barnatoret janë ato që e kanë përzgjedhë kriteret e momerandumit të bashkëpunimit se qysh kane me funksionua, dhe aty u diskutua edhe për festat zyrtare edhe për orarin gjatë dhe orarit gjatë natës dhe vikendeve, pra janë vet barnatoret përfaqësuesit e tyre që munden me bë një momerandum të ri dhe me i ngrit këto shqetësime që ju po i ngritni sot në kuvend, për neve është e pa pranueshme që mos te ketë se paku një barnatore funksionale gjatë orarit të natës dhe vikendeve për tjera kritere janë vet përfaqësuesit e barnatoreve që i përcakton.

Meqë nuk pati diskutime tjera kryesuesi e konsideroj të mbyllur seancën, seanca përfundoj rreth orës 11:55 min.

Me gjerësisht, mbledhjen e rregullt të Kuvendit të Komunës së Drenasit të datës 20.04.2023 mund të ndiqni në ueb faqen zyrtare të komunës, rrjetin social të Facebook-ut dhe në kanalin YouTube.

Procesmbajtëse:


Liridona Fejza-Ajazi



Kryesuesi i Kuvendit Komunal


Milaim Hajdari